

B951

H51

10

道藏要籍選刊

(十)

胡道靜

陳蓮笙

陳耀庭

編輯

上海古籍出版社



A0714504

無上祕要

無上秘要目錄

卷之一 問

卷之二 問

卷之三 問

日品 月品 星品

卷之四

三界品 九地品 靈山品 林樹品

山洞品 洞天品 神水品

卷之五

人品 身神品 人壽品

卷之六

切運品 帝王品 洲國品 論意

王政品

卷之七

修真養生品

卷之八

尸解藥石品 此品舊本重出不錄今備見八十七卷

卷之九

靈官昇降品 衆聖會議品

卷之十 問

叔一

卷之十一 問

卷之十二 問

卷之十三 問

卷之十四 問

卷之十五

衆聖本迹品中

卷之十六

衆聖本迹品下

卷之十七

衆聖冠服品上

卷之十八

衆聖冠服品下

卷之十九

天帝衆真儀駕品

卷之二十

仙歌品

卷之二十一

仙都宮室品

卷之二十二

三界官府品

卷之二十三

真靈治所品

卷之二十四

三寶品 真文品

卷之二十五

三皇要用品

卷之二十六

靈寶符效品

卷之二十七

上清神符品

卷之二十八

九天生神章品

卷之二十九

三十二天讚頌品

卷之三十

經文出所品

卷之三十一

經德品 經文存廢品 遇經宿分品

卷之三十二

衆聖傳經品

傳經年限品

正一氣治品

天瑞品 地應品

九天瓊文品

經符異名品

卷之三十三

輕傳受罰品

卷之三十四

師資品 法信品 授度品

卷之三十五

授度齋辭宿啓儀品

卷之三十六

卷之三十七

授道德五千文儀品

卷之三十八

授洞神三皇儀品

卷之三十九

授洞玄真文儀品

卷之四十

授洞真上清儀品關後

卷之四十一

策杖品 策版品 投簡品 奏簡文品

卷之四十二

事師品 修學品

卷之四十三

修道冠服品 說經執度品 誦經品

卷之四十四

洞真三元品誠儀

卷之四十五

玉清下元戒品

玉清中元戒品

玉清上元戒品

智慧觀身大戒經品

卷之四十六

昇玄戒品

洞玄戒品

洞神戒品

正一五戒品

卷之四十七

齋戒品

受法持齋品

卷之四十八

靈寶齋宿啓儀品

卷之四十九

三皇齋品

卷之五十

塗炭齋品

卷之五十一

盟真齋品

卷之五十二

三元齋品

卷之五十三

金籙齋品

卷之五十四

黃籙齋品

卷之五十五

太真下元齋品

卷之五十六

太真中元齋品

卷之五十七

太真上元齋品

卷之五十八之六十四關

卷之六十五

專誠品 柔弱品 虛靖品 山居品

違俗品

卷之六十六

沐浴品 入室品 明燈品 燒香品

叩齒品 呪請品

卷之六十七之七十三關

卷之七十四

啓志願品

卷之七十五

卷之七十六

服五氣品

卷之七十七

咽雲牙品

領玄根品

卷之七十八

地仙藥品

天仙藥品

太清藥品

太極藥品

上清藥品

玉清藥品

卷之七十九之八十二

卷之八十三

得鬼官道人名品

得地仙道人名品

卷之八十四

得太清道人名品

卷之八十五之八十六

卷之八十七

尸解品

卷之八十八

易形品

長生品

地仙品

昇月庭品

昇日門品

天仙品

卷之八十九之九十

卷之九十一

昇太極官品

昇太微官品

卷之九十二

昇上清品上

卷之九十三

昇上清品下

卷之九十四

昇太空品

昇紫微官品

昇紫庭品

昇紫虛品

卷之九十五

昇紫宸品

昇玉官品

卷之九十六

玉清品上

卷之九十七

玉清品下

卷之九十八

昇九天品

卷之九十九

昇太清品

卷之一百

昇無形品

入自然品

應變化品

洞冥寂品

會無忘品

無上祕要卷之三

日品

南極上元君曰日縱廣二十四里金分水精輝於內疏光照於外其中城郭人民七寶浴池生於四種青紅黃白蓮花人長二丈四尺衣朱衣與四種花同表同盛故有春秋冬夏四時行焉日行有五氣一時風二徑風三勁風四轉風五行風是故制御日月星宿遊行虛無初不休息皆風之梵其綱

日月運度虧盈者皆四時之會藏伏冠帶故也金門之上日行通門金門之內有金精治鍊之池在西關之分故立春之日日受鍊魂於金門之內曜其光明於金門之外當此之時則光景素鮮普天氣溫其年中一過如此經四十五日乃止

順行至洞陽宮洞陽宮是日之上館一名離羅在浮黎之分以立夏之日日於洞陽宮吐金冶之精以灌洞陽之宮更鍊八芒於流火之庭當此之時則日光昏盛陽氣溢散普天大暑其年中一過如此經四十五日乃止

順行至東井之上東井是月通暉之徑在于運之分以立秋日日於東井之中沐浴於景暈收八素之氣歸於廣寒之宮當此之時則天景高澄普天氣涼其年中一過如此經四十五日乃止

順行至廣寒宮廣寒是月宮之上館七星之華蓋在鬱單之界以立冬之日日伏精於廣寒之宮更冠帶胎養當此之時日景陰翳普天大寒其年中一過如此經四十五日乃止

一年日運周度冠帶四鄉合一百八十日是日所經之分餘一百八十日屬月之度二景離合陰陽虧盈名分度之限也

右出洞真黃氣陽精經

日中青帝諱圓常无字照龍韜

日中赤帝諱丹靈峙字綠紅映

日中白帝諱皓鬱將字迴金霞

日中黑帝諱澄澹淳字玄綠炎

日中黃帝諱壽逸阜字曉暉象

右出洞真太上玉晨鬱儀奔日經

三天真人呼日為圓光蔚

九天真人呼日為濯耀羅

玉賢天中呼日為微玄

太素天中呼日為眇景

太清天中諸仙呼日為大明

皇上真人呼日為九曜生

太極真人呼日為圓明

東華真人呼日為紫曜明或復呼為圓珠皇

初紫元之天中常有暉暉之光鬱如薄霧乃

九日之所出有如一日之照

始暉者日出之鄉

右出大洞正經注

紫微夫人說阿母言曰日圓形而方景月方精而圓象景藏形內精隱象中景亦象黃是為日月之魂

右出洞真太丹隱書經

月品

月縱廣千九百里暈圓七千八百四十里白銀瑤瑤水晶映其內炎光明照於其外其中城郭人民亦有七寶浴池八鶯之林生于其內月中人長一丈六尺悉衣青色之衣月

中人常以月一日至十六日採白銀琉璃鍊於炎光之治故月度盈則光明鮮太素以十七日至二十九日於審林之下採三氣之花拂日月之光故月度虧其光微玄景運行亦五風梵其網也故制日月星宿進行虛无初不休息

春分之日月宿金門之上金門之上則有通靈之門以其時月於金精冶鍊之池受鍊於石景水母瑩飾於華光當此之日灌陽精於金門納黃氣於玉泉皇上真人諸天人皆以其日採審樹之華以拂日月之光月以黃氣灌天人之容故春分之日萬氣溫神景皆和黃氣陽精降接之時

夏至之日月伏洞陽宮洞陽宮是日之上館以其時月於流火之庭冶鍊於八芒鮮明於月魂當此之日灌黃氣於洞陽納陽精於火官諸天人皆以其日採空青之林以拂日月之光以陽精灌天人之容故夏至之日景氣激陽精降陰納靈二景接暉之時
秋分之日月宿東井廣靈之堂沐浴東井之

池以鍊月魂明八朗之芒當此之日月受鍊陽精於日暉吐黃氣於玉池諸天人皆以其日悉採環樹之花以拂日月之光月以黃氣灌天人之容故秋分是天大會之日黃氣陽精交降之時

冬至之日月伏廣寒之宮廣寒之宮則月之上館以其時育養月魂於廣寒之也當此之日納黃氣於寒池諸天人悉以其日採育花之林以拂日月之光月以陽精灌天人之容故冬至之日運道履長黃氣陽精納暉之時月度周流四鄉故有朔望之期日道陽月道陰雖同運而轉至於冠帶各居四節故日分一百八十日陽月分一百八十日陰數經三千六百度與日合則陽氣激陰氣石

右出洞真黃氣陽精經

太上曰月中青帝夫人諱娥隱珠字芬豔嬰月中赤帝夫人諱翳遠家字婉庭虛月中白帝夫人諱靈素蘭字鬱連華月中黑帝夫人諱結連翹字淳屬金月中黃帝夫人諱清管襟字吳容

右出洞真結璘奔月經

星品

太上曰夫五星者是日月之靈根天胎之五藏是以天精結縷以成五星天地賴以綜氣日月繫之而明若天氣不育則三合虧盈地氣不育則萬物枯滯虧盈則天震地動列宿不守則日月薄蝕五星亂度則二象失光天地交泰則五星映清天精合則五星光明上照太虛下朗萬兆兆有得失則五度錯逆兆有和吉則流行順道映洞福禍毫杪必彰玄照纖末幽存功過者也五帝上言於星中真皇真皇奏於太上玉君於是以辰光轉燭以示萬生傍行越位以告災祥地建五嶽之山以象五行之星人立五藏之神以擬於五位之用三氣迴合是以天地列備矣星之為精上通衆精下共光津吐納三華漱澤萬靈也五歲星圓鏡木精玄朗東陽之陵星中有九門門中出九鋒芒鋒芒光垂九百萬丈一門輒有一青帝凡九青帝備門奉衛於中央青皇真君

大星圓鏡丹精映觀南軒星中有三門門中
出三鋒芒鋒芒光垂三百萬丈一門內輒有
一赤帝凡三赤帝備門奉衛於南真上皇真
君

太白星圓鏡金精映曜西辰太白星中有七
門門中出七鋒芒鋒芒光垂七百萬丈一門
內各有一白帝凡七白帝備門奉衛於西真
上皇道君

五辰星圓鏡水精洞映北冥辰星中有五門
門出五鋒芒鋒芒光垂五百萬丈一門各有
一黑帝凡五黑帝備門奉衛於北真上皇君
鎮星圓鏡土精鎮陰黃道鎮星中有四門門
中有四鋒芒鋒芒光垂四百萬丈一門各有
一黃帝凡四黃帝備門奉衛於鎮元黃真君
右出洞真八素真經

七星去地四十萬里圓七百二十里皆金精
琉璃為其郭七曜紫暉開其光其內則諸天
人衆真之遊館廣寒則其華蓋其一晝一夜
則運轉周天一度亦如日月之輪其內亦生
七寶珠林如是戌亥之後生氣之初七星受

鍊於廣寒之宮明鮮紫景於七曜煥落流精
竟天紫景吐津以灌諸天於是東真帝仙皆
以其時莫不採七曜之暉紫景之蘭

右出洞真黃氣陽精經

第一天樞星則陽明星之魂神天樞星滅而
不曜光而不照潛洞太虛圓九百二十里對
陽明星之西北門

第二天璇星則陰精星之魂神天璇星景而
遠映照而不煥潛洞太虛圓五百五十里對
陰精星之西門

第三天機星則真人星之魂精天機星猛而
不顯煥而不暉潛洞太虛圓七百七十里對
真人星之東南門

第四天權星則玄冥星之魂精也天權星微
而隱隱而洞映潛洞太虛圓八百里對玄冥
星之東門

第五玉衡星則丹元星之魂靈也玉衡星大
而點踊而不煥潛洞太虛圓七百二十里對
丹元星東北門

第六闔陽星則北極星之魂靈也闔陽星明

而潛照暉而不煥洞徹太虛圓七百七十里
對北極之下闔北洞之門

第七搖光星則天關星之魂大明搖光星則
光轉空洞迴機天關潛煥太虛圓九百九里上
對天關星之南門下對北極星

第八洞明星則輔星之魂精陽明洞明星則
光迴諸天總輪上宿流陽太虛圓九百九十
里上對輪星西南門在天關之上梁北極之
陽芒

第九隱元星則弼星之魂明空靈隱元星則
隱息華蓋之下潛光曜於空洞之中圓九百
九十里上對弼星之東南門

右出洞真飛行九宸玉經

太上大道君北極真公曰吾昔遊於北天策
駕廣寒足踐華蓋手排九元逸景雲宮遊戲
北玄道遠羽陰之館息于洞臺之門眇遊機
以召運促劫會以儻輪數萬物而雕衰俯天
地而長存乃悟九星之奇妙悟十魂之至靈
夫九星者寔九天之靈根日月之明梁萬品
之淵宗故天有九氣則以九星為其靈紐地

有九州則以九星為其主人有九孔則以九星為命府陰陽九宮則以九星為其門戶五嶽四海則以九星為淵府故五九泰為綱維無窮制御天宿迴轉三辰調理四氣致天地長存萬品之所宗神仙之所憑夫天無九星則無以高清地無九星則無以為至靈人無九星則九孔不明上帝兼之以通真神仙憑之以得成五行乘之以致度萬物稟之以得生天清地靜九星煥明天濺地否則九星翳

右出洞真迴元九道飛行羽經

無上秘要卷之三

無上秘要卷之四

三界品

太極真人曰夫修飛行三界之道當使為無不無無有不有能悟有無之間緬然於其際而無際自然得超三界遊宴王京飛行十方

太黃皇曾天

太明玉完天

清明何童天

玄胎平育天

元明文舉天

七曜摩夷天

右六天欲界陰陽胎生年積萬歲

虛元越衡天

太極濛翳天

赤明和陽天

玄明恭華天

曜明宗飄天

竺落皇笏天

虛明堂曜天

觀明端靖天

玄明恭慶天

太煥極瑤天

元戴孔昇天

太安皇崖天

顯定極風天

始皇孝芒天

太皇翁重天

无思江由天

上揲阮樂天

无極曇誓天

右十八天色界陰陽有色與欲界同不相交接人皆化生年積億歲不夭不傷

結庭霄度天

淵通元洞天

輪寵妙成天

秀樂禁上天

右四天無色界陰陽有形身長數百里不以為累能隱形入微无復色欲唯真相知年歲積劫雖不事學而能行善福報所畢

至于魔王學道未極亦遊此天不得超三

界未免洪灾火運交周二十八天一時混

淆如釐其中學真堪為種人王母迎之登

常融玉隆梵度西真四天之上其學聖真

仙三界者退還人道經歷三塗能超進者

當依功還轉

諸天之上各有生門中有空洞謠歌之章魔

王靈篇辭卷高真

第一欲界飛空之音

人道渺渺仙道莽莽鬼道樂兮當人生門天

道貴生鬼道貴終仙道常自吉鬼道常自凶

高上清靈英悲歌胡太空惟願仙道成不欲

人道窮北都泉曲府中有萬鬼群但欲逼人算斷絕人命門阿人歌洞章以攝此羣野東

送妖魔精斬截六鬼鋒諸天悉蕩蕩我道日

興隆

第二色界魔王之章

落落高張明氣四騫梵行諸天周迴十方无量大神皆由我身我有洞章萬遍成仙仙道貴度鬼道相連天地渺莽穢氛氛三界樂乎過之長存身度我界體入自然此時樂兮薄由我思龍漢蕩蕩何能別真我界難度故作洞文變化飛空以試爾身成敗懈退度者幾人笑爾不度故為歌音

第三無色界魔王歌曰

三界之上渺渺大羅上无色根雲層峨峨惟有元始浩劫之家都制我界統承玄都有過我界身入玉虛我位上王臣御眾魔空中萬變穢氣紛葩保真者少迷惑者多仙道難固鬼道易邪人道者心諒不由他仙道貴實人道貴華爾不樂仙道三界那得過其欲轉五道我當復奈何

右出洞玄度人經

九地品

道運御世開辟玄通三色混沌乍存乍亡運

推數極三氣開光氣清高澄積陽成天氣結凝滓積滯成地

右出洞玄九天經

第一壘名色潤地

第二壘名剛色地

第三壘名石脂色澤地

第四壘名潤澤地

第五壘名金粟澤地

第六壘名金剛鐵澤地

第七壘名水制澤地

第八壘名大風澤地

第九壘名洞淵無色網維地

右九壘之地地各有四色土皇正音土皇行音土皇遊音土皇梵音土皇極下洞淵洞源

網維天下制使不落下則无窮无境无邊无

際皆網維之元九地九壘直下九重各三十

六音三十六土皇上應三十六天中應三十

六國如是土皇位齊玉皇之號但分氣各治

上下之別名耳

九地相去里數

第一地去天九十億萬里

第二地去第一壘地八十億萬里

第三地去第二壘地一百二十億萬里

第四地去第三壘地二十億萬里

第五地去第四壘地二十億萬里

第六地去第五壘地二十億萬里

第七地去第六壘地二十億萬里

第八地去第七壘地八十億萬里

第九地去第八壘地八十億萬里

右九壘之下洞淵洞源網維天下制使不落

上則去第一壘地五百二十億萬里

右出洞真外國放品經

靈山品

鄴都山在北方癸地故東北為鬼戶死氣之

根山高二千六百里周迴三萬里

右出洞真天關三圖七星移度經

南方伊沙陀國外有長洲一名青丘其左右

有風山其山恒震聲又有炎洲有火林山山

中有光獸

右出洞真外國放品經

玄壚山在崑崙山之東北

鍾山所處在弱水之北一萬九千里山高萬二千里其上方七千里周迴三萬里日月所不及照光耀晝夜朗然明十萬里外皆星漢所不及聖人言天缺西北是鍾山照九陰之下

崑崙山高平地三萬六千里上有三隅西方萬里形似偃盆其一隅正北主于辰星之精名曰閼風臺一隅正西名曰玄圃臺一隅正東名曰崑崙臺又有北戶山承淵山並是其枝幹上通璇璣九天之澳萬仙之宗根天地經度之柄

右出洞真太霄隱書

東華有雲波山青童君時御圓珠之氣登雲波之山入東華之宮扶桑際有九老京山九老仙皇太帝君二道君時會九老之京出靈戶之符召太真王萬仙受事
太清天中有浮絕空山三天神王所治大道真氣之所結
太極天中有秀華山山下有玉堂五靈真君

之所處此天中有寒童靈山仙真之賓常登此嶽太微天中有玉壽山黃老之所治萬神之所會內景天中有紫空山青精君常乘羽遶之車携玄景之童時登此山

上清天中有虹映山乃九日之所出月帝之所司光氣之所散又有金華便山其巔有大老寢堂八黃老君時登此山

玉虛天中有飛霞山能行大洞經可入飛霞山太一上元天中有金華山太一元禁君所處

七晨天中有三寶山有反生之香反衡於此山上皇真人所處

元晨天中有三秀山而元晨天中有黃景之氣氣之所出起於此山

太極天中有太上日空无景之山其山太霞之中有彭室太虛元君所處

太玄天中有空峯山乃神光之所秀出玉真天中有高元山萬華先生時登此山寢宴萬華之宮

玉清天中有玉根山五老上真所處

又有黃霞山是五帝之所處上皇之所遊九天上有所滂滯神仙九氣丈人時登此山太元之庭有太霞之嶽名曰五閭之山太元晨中君所處

太无天中有峨嵋山上有洞宮玉戶諸得真仙道者名刊於其上

右出玉真太洞玉經

靈寶玄都玉京山處於上天之中心

右出洞玄玉訣經

錄那羅衛之國須彌靈飛人鳥山元始天王所別治西王母初學道亦登此山

右出洞玄隱注經

西極西那玉國有鬱察山浮羅之嶽

右出洞玄靈書度命經

太上曰人鳥山是天地之生根元氣之所因人求其域靈仙仰其神於是朝致五嶽使役海神

右出洞玄五符經

太上曰太玄都玉京山冠八方諸羅天諸天仙入謂此山有十名

一曰蓋天首山
二曰彌玄上山
三曰羅玄洞虛山
四曰高上真元山
五曰衆寶幽結劫刃山
六曰無色大覺山
七曰周觀洞玄山
八曰景華太真山
九曰不思議山
十曰太玄都王京太上山
右出洞玄玉京山經
句曲山腴間有金陵之地方三十八頃。是金壇之地。肥土良而井水甘。居腴地必度世。見太平河圖內元經曰。乃有地肥土良水清。句曲之山。金壇之後。可以度世上昇。曲成又河圖中篇曰。句曲之山。其間既有陵。兵病不往。洪波不登。此之謂也。金陵古名之為伏龍之地。福地誌曰。伏龍之地。在柳谷之西。金壇之右。可以高栖正金陵之福地也。句曲山又名為句金之壇。以洞天內有金壇百丈。因以

致名
又有積金山。亦有金積。以號壇矣。又名其源澤為曲句之穴。按山形曲折。後人合名為白曲之山。後有三茅君來治。其上時父老人傳為茅君之山。
三茅山隱峯相屬。皆句曲山一名耳。時人因事而喻。今故有支條數十。作別名。此山為岡山也。孔丘福地云。岡山之間有伏龍鄉。可以避水避病。
東方有三蓋山。三霍山。三台山。二金山。並名山。句曲即金壇之一山。
茅山北垂洞口。一山名良常山。本亦句曲相連。都一名耳。
西去者是葛衍山之別名。葛衍有山相連。西為玄西山。東為鬱絕根山。中央為葛山。三山纏固。方三千里。高二千七百里。去崑崙七萬里。其間有高暉山。上有洞光。如日照。葛衍西玄鬱絕根三山。
右出道迹經
紫微夫人曰。方諸山正四方。故謂之方諸。一

面長一千三百里。四面合五千二百里。上高九千萬丈。又有長明大山。夜月高丘。各周圍百里。又有玄寒山。
方諸東南西南面。又各有小方諸山。去大方諸山三千里。小方諸亦方面各三百里。大方諸對會稽之南。看北去會稽岸七萬里。東北看則有腸谷鄉。又去方諸六萬里。
右出真迹經
林樹品
東極蒼帝君曰。大浮黎國土有青林之樹。樹葉生自然。紫書風吹。樹動其樹聲。音皆作洞章靈音。燦爛朗徹。太空其上。恒有九色鳳鳥。有得其羽。皆即飛行。
西極西那玉國有七寶驚樹。樹生赤寶白環。上有鳳凰孔雀金翅之鳥。晝夜六時吐其雅音。
右出洞玄靈書
太上曰。玉京山自然生七寶之樹。一株彌覆一天。八樹彌覆八方。羅天。
右出洞玄玉京山經

東方呵羅提國外有扶桑在碧海之中生林如桑皆數千丈大者三千圓兩兩同根而生有實赤如桑椹仙人所啖食體作金色其實皆九千歲一熟南方伊沙池之國國外有青丘地生大樹長三千丈大者二千圓

崑崙山上生金根之樹琰柯丹寶之林玉清以為實其樹悉刻題三十六國音上栖紫鸞鳳鸞白雀鸚鵡鷄鵠赤鳥青鸛

右出洞真外國放品經

方諸青宮內有玉樹數百株上有關雎鳳凰九色之鳥下有芝草玉井有自然生泉服之壽同三光

右出洞真青要紫書金根經

日上館洞陽宮之內有空青之林得食其華身生金光之色

月通暉之徑東井之內有廣靈之宮中生三華高環之樹一切則生自然三炁之華似芙蓉之暉得食一華年同一切

月宮之上館廣寒之宮中生青華之樹樹高四千丈其葉似竹而赤其華似鏡而明其子

似李而無核所謂絳樹丹實得食其葉壽長年得食其華與月同靈得食其實遊宴玉清

右出洞真黃氣陽精經

老子西過大龜之山見太真王母食玉文之藥其實如餅又食碧桃紫梨

復北登空洞之嶺見北華真公四華仙人食

空洞靈瓜其瓜四劫一熟

安期生謂太真夫人曰昔與女郎遊於息安西海際食藥異美此間藥永不及憶此未久

說已三千年矣神女云吾昔與君共食一枚

乃不盡此小菓那得相比

右出仙果道迹經

右英夫人曰交梨火棗此即騰飛之藥不比於金丹

右出真迹經

山洞品

五嶽及名山皆有洞室

王屋山洞周迴萬里

委羽山洞周迴萬里

西城玉山洞周迴三千里

青城山洞周迴二千里

西玄三山洞周迴千里

羅浮山洞周迴五百里

赤城丹山洞周迴三百里

林屋山洞周迴四百里

句曲山洞周迴一百里

括蒼山洞周迴三百里

右出道迹經

洞天品

小有清虛天

大有空明天

太玄總真天

三玄極真天

寶仙九室天

上玉清平天

朱明耀真天

金壇華陽天

左神幽虛天

成德隱玄天

右出道迹經

右大天之內地中洞天

神水品

玉清天中有萬津之海其水波陶湧而連嶽

太初天中有慶元之河號為吉人之津

又有流汨之池中有玉樹周圍蓮花十丈池

廣千里水乃香美金華仙人恒處蓮花之中飲此流汨之水

玄洲有三弱之津非仙人而莫度越

太无之庭有玉簡山山有清淵之池方圓千里又有帝川池在玄洲北玉靈仙母金華仙女常所經遊

右出洞真大洞經

元始天尊於大福棄賢世界鬱單國國土皆凝水精琉璃渾地而行國有寒池縱橫五百里池有玉芝一國男女飲食池水面如玉脂初無疾病无有憂愁壽三萬歲无有中天命終之後骸骨不灰萬年亦无臭爛之氣

右出洞玄靈書

無上秘要卷之四

無上秘要卷之五

人品

叔三

九天丈人告於三天玉童曰夫天地交運二象合真陰陽降炁上應於九天流丹九轉結氣為精精化成神神變成人故人象天地炁法自然自然之炁皆是九天之精化為人身含胎育養九月炁盈九天氣普十月乃生其結胎受化有吉有凶有壽有夭有短有長皆稟宿根結炁不純藏胃積滯六府敗傷形神不固體不受靈死炁入孔何由得存陽炁赤名曰玄丹陰氣黃名曰黃精陰陽既交二炁降精化神結胎上應於九天九天之炁則下布丹田與精合凝結會命門要須九過是為丹田上化下凝以成於人一月受炁二月受靈三月合變四月凝精五月首體具六月化成形七月神位布八月九孔明九月九天炁普乃有音聲十月司命勒籍受命而生故人皆稟九天之炁陽降陰之精名曰九丹合成人身凡人受生結炁九丹上化於胞胎之中而法九天之炁炁滿神具於胎囊之內而自

識其宿命知有本根轉輪因緣九天之炁化就其身既親陽道開曠三光而自忘其所生所由之因爾者皆由胞根結滯盤固三關五府不理死炁塞門致靈關不發而忘其因緣若靈真九炁含鍊瓊胎整經紫戶運履人道挺秀自然耀景觀靈便騰身於九天非復結精受炁而為人也

凡人生皆稟九天之炁炁凝為精精化成丹丹變成人結胎含秀法則自然假令七月生則十月胎受液梨茶起天之炁十一月生則受梵摩迦夷天之炁十二月生則受梵寶天之炁正月生則受化應聲天之炁二月生則受不驕樂天之炁三月生則受寂然天之炁四月生則受須延天之炁五月生則受上上釋善无量壽天之炁六月生則受鬱單无量天之炁

凡人從十月結胎至於六月則受九天之炁已滿至七月合十月則天地炁盈受太陽之運而生

右出洞真九丹上化胎精中記經

太上曰夫人受生結精積炁受胎飲血黃白
幽凝丹紫合煙所以凝骨吐津散布流液四
度會化九宮一結五神命其形體太一定其
符籙忽爾而立恍爾而成罔爾而具脫爾而
生

於是乃九神來入安在其宮五藏玄生五神
主焉父母唯知生育之始我也而不悟帝君
五神來適於其間人體有尊神其居无常出
入六虛

上下三田迴易陰陽去故納新展轉榮輪流
注元津太神虛生內結以成一身濯質化鍊
變景光明

右出洞真九真中經

夫人受生於天魂結成於元靈轉輪於九炁
挺命太一關開三道積神幽宮所以玄液七
經流津敷澤日月映其六虛口耳運其神器
雲行雨施德擬天地胞胎內而五因來具立
人之道其如此也故五因者是五神也故三
道者是三真也

夫五神者天之魂三真者天之道九炁者天

之胎太一者天之源日月者天之曜玄液者
天之潤六虛者天之光幽宮者天之府神器
者天之化元靈者帝之變凡此言九天者乃
混合帝君之變變而化九是謂九宮九宮混
變而同一矣夫兆所欲修已求生當從所生

之宗所生之宗謂元父玄母也元父主氣化
理帝先玄母主精變結胞胎精炁相成而陰
陽相生雲行兆已道合无名數起三五兆始
稟形七九既布兆體乃成和合三五七九洞
冥象帝之先當須帝營天皇之功九變為靈
功成人體體與神并神去則死神守則生是
以三元為道之始帝君為道之根太一為道
之變九天為道之神九宮為道之宅玄液為
道之津以熙三田以致神仙朝適六合夕守
泥丸堅執胎精心中常歡學道之子須此為
緣見是經者始可與言九炁陶注太一運神
右出洞真太丹隱書

天尊言曰炁炁相續種種生緣善惡禍福各
有命根非天非地亦又非人正由心也心則
神也形非我有我所以得生者從虛无自然

中來因緣寄、受化而生我受胎父母亦非
我始生父母也夫父母不在此父母貴重尊
高无上今所生父母是我寄備因緣稟受育
養之恩故以禮報而稱為父母焉故我受形
亦非我形也寄之為屋、之為營室以舍
我也附之以為形示之以有无故得道者无
復有形也及我无身我何患我所以有患
者為我有身有身則百惡生无身則入自然
立行合道則身神一也身神並一則為真身
歸於始生父母而成道也

右出洞玄諸天內音經

人之受生於胞胎之中三元育養九炁結形
故九月神布炁滿能聲聲尚神具九天稱慶
太一執符帝君品命主錄籍司命定算五
帝監生聖母衛房天神地祇三界備守九天
司馬在庭東向讀九天生神章九過男則萬
神唱恭女則萬神唱奉男則司命敬諾女則
司命敬順於是而生九天司馬不下命章萬
神不唱恭諾終不生也

夫人得還生於人道擢形太陽驚天駭地貴

亦難稱天真地神三界齊臨亦不輕也。當生之時亦不為陋也。所以能愛其形保其神貴其炁固其根者終不死壞而得神仙骨肉同飛上登三清是炁與三炁合德九炁齊并也。但人得生而不自能尊其炁貴其形寶其命愛其神自取死壞離其本真。

右出洞玄九天生神章經

道曰一切萬物人最為貴人能使形无事神无體以清靜致无為之意即與道合。

右出妙真經

老子曰神生形形成神形不得神而不能自生神不得形而不能自成故形神合同更相生更相成。

右出西昇經

夫人是有生最靈者也但人不能自知而不守神以却眾惡耳知之者則不求祐於天神止於其身則足矣故云一人之身一國之象胃腹之位猶宮室也四肢之列猶郊境也骨節之分猶百官也神猶君也血猶臣也炁猶民也故知治身者則知治國矣夫愛其民所

以安其國懷其炁者所以全其身民散則國亡炁竭則身死亡者不可生是人至人消未起之患治未病之疾堅之於无事之前不追於既逝之後民之難養而易濁故審其威德所以保其治割嗜欲所以固血氣然後真一存焉。

右出皇人經

天老曰人生於陰陽長於元炁未必盡備感五常之性得之者十未有一也感其火者明感其金者剛感其水者清感其木者王感其土者仁不感者亡故天地五行五五二十五。行人人生感得其一者可壽一百年感得二者可壽一百二十年感得三者可壽一百三十五年感得四者可修術壽一百四十年感得其五者可為小道可壽二百年感得其六者可為大道壽无訾感得其七者可思鬼靈之心感得其八者通明神意感得其九者通神祇感得其十者知聰明感得十一者終身无患感得十二者應其天心感得十三者五嶽來朝感得十四者得二十八宿護已感得

十五者致得玉女感得十六者得為聖人感得十七者致得西王母感得十八者致得東王父感得十九者召得太一感得二十者召得北君感得二十一者召得仙人感得二十二者身與天地俱感得二十三神女來配感得二十四者與天帝交感得二十五者與上皇為友。

右出洞神監乾經

身神品

腦神名覺元字道都
髮神名玄文華字道行
皮膚神名通眾字道連
目神名虛監生字道童
項神名靈謨蓋字道周
脊神名蓋歷輔字道柱
鼻神名冲龍玉字道微
舌神名始梁峙字道岐
右上部八神君
喉神名百流放字道通
肺神名素靈生字道平